

Inihahandog ng Bibliya Para sa mga Bata

Paalam Paraon!



Isinulat ni: Edward Hughes
Inilarawan ni: Janie Forest; Alastair
Paterson


Ibinagay ni: Lyn Doerksen
Pamamatnugot ni: Abigail Blest Bantayan
Inilimbag at ipinamamahagi
ng Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.


Pahintulot: Ang materyal na ito ay maaaring makopya o malimbag,
ngunit hindi maaaring ipagbili.

1




Nagalit ang Paraon! Inutos
sa kanya ng Diyos sa
pamamagitan ni Moises
na hayaang umalis ang
mga alilang Israelita
sa Ehipto ngunit
tumanggi siya.

2




"Pahirapan mo sila sa gawain," utos ng Paraon sa kanyang mga tagapangasiwa. Ngayon, ang mga Israelita ay nalagay lalo sa masama.

3




"Hindi kayo bibigyan ng dayami at ang gagawin ninyong tisa ay sindami pa rin ng dati ninyong ginagawa," panibagong utos ng Paraon.

4



Hinampas ng mga amo ang mga alipin dahil wala silang nahanap na dayami para makagawa ng ganoong karaming tisa.


5



Sinisi ng mga tao sina Moises at Aaron sa kanilang sinapit. Kaya naghanap si Moises ng tahimik na lugar upang manalangin. "O Panginoon ko, hindi mo naman po iniligtas ang Iyong mga tao,"

iyak niya sa Diyos. "Ako ang Panginoon. Ilalabas ko kayo," tugon ng Diyos.


6



Pagkatapos nito, pinapunta ng Diyos sila Moises at Aaron sa Paraon. Nang hiniling ng makapangyarihang pinuno na magpakita sila ng kababalaghan

mula sa Diyos, inihagis ni Aaron ang kanyang tungkod at naging ahas ito.

7



"Tawagin ninyo ang mga salamangkero ko!" sigaw ng Paraon. Nang hinagis ng mga salamangkero ang kanilang mga tungkod, naging ahas din ang mga ito. Ngunit ang mga ito'y nilulon ng tungkod ni Aaron. Gayunma'y, nagmatigas pa rin ang Paraon. Ayaw pa ring paalisin ang mga Israelita.

8


Kinaumagahan, nakipagtagpo sina Moises at Aaron sa Paraon sa tabi ng Ilog. Nang itapat ni Aaron ang kanyang tungkod, naging dugo ang tubig sa ilog. Namatay ang mga isda! Hindi mainom ng mga tao ang tubig!



Ngunit nagmatigas pa rin ang Paraon. Ayaw niyang paalisin ang mga Israelita sa Ehipto.

9


Sinabihan muli ni Moises ang Paraon na paalisin ang mga tao



ng Diyos ngunit tumanggi pa rin ito. Nagpadala ang Diyos ng panibagong salot. Napuno ng palaka ang buong Ehipto. Pinasok ng mga palaka ang bawat bahay, mga silid at mga lutuan.

10

"Ipanalangin ninyo sa Diyos na alisin ang mga palakang ito," pakiusap ng Paraon. "At papayagan ko na kayong umalis." Ngunit nang mawala na ang mga palaka, nagbago ng isip si Paraon. Hindi pa rin siya pumayag.




11

Dahil dito, ang Diyos ay nagpadala ng napakaraming kuto na labis na nagpahirap sa mga tao't mga hayop ngunit ang Paraon ay hindi sumuko sa Diyos.




12

Sumunod, nagpadala ang Diyos ng mga kawan ng langaw. Nagpadala din Siya ng sakit sa kabakahan ng taga-Ehipto.




13

Tinadtad din ng mga pigsang nagnanaknak ang mga tao. Dumadaing na ang mga tao sa Ehipto ngunit nakipagmatigasan ang Paraon sa Diyos.



14




Pagkatapos ng mga salot na ito, nagpadala naman ang Diyos ng mga kawan ng balang. Kinain ng mga balang ang lahat ng mga halaman at tanim na tumutubo sa lupang Ehipto.

15




Nagpadala rin ang Diyos ng kadiliman sa buong Ehipto sa loob ng tatlong araw. Ngunit hindi pa rin pumayag ang Paraon.

16




"Magpapadala ako ng isa pang salot," babala ng Diyos. "Pagdating ng hatinggabi, mamamatay ang lahat ng panganay na lalaki pati panganay ng mga hayop ay mamamatay." Ang mga panganay na anak ng mga Israelita ay maliligtas kung papahiran nila ng dugo ng tupa ang harap ng pinto ng kanilang bahay.

17




Nang dumating ang hatinggabi, nagkaroon ng napakalakas na iyakan sa buong Ehipto. Namatay ang lahat nilang panganay, maging tao o hayop.

18




"Sige, umalis na kayo," nakiusap ang Paraon kay Moises. "Humayo na kayo at maglingkod sa Diyos." Nagmadaling umalis ang mga tao sa Ehipto.

19




inabi ng Diyos kay Moises na alalahanin ang nangyari sa gabing iyon, ang pista ng Paskwa dahil nilampasan ng Anghel ng Diyos ang bahay ng mga Israelita at pinarusahan ang Paraon at kanyang mga tao.

20




Pagkatapos ng apat na daan at tatlumpong taon (430 years) sa Ehipto, nakalaya na rin ang mga tao ng Diyos. Pinangunahan sila ng Diyos sa pamamagitan ng haliging ulap kung araw at haliging apoy kung gabi. 21




Ngunit hindi pa tapos ang Paraon sa mga Israelita.

Nakalimutan na niya ang Diyos at nagbago na naman ang kanyang isip. Pinagtanda niya ang kanyang mga kawal at hinabol ang mga aliping Israelita. Hindi nagtagal, naabutan nila ang mga ito sa pagitan ng bundok at dagat. 22




"Ipagtatanggol kayo ng Diyos," sabi ni Moises. Pumunta si Moises sa tabi ng dagat at itinaas ang kanyang kamay. 23




Malaking himala ang nangyari. Nahati ang tubig.

Ang mga Israelita'y nakatawid sa dagat na tuyong lupa ang dinaanan sa pagitan ng tubig na parang pader. 24



Samantala, ang mga kawal naman ng Paraon ay tumakbo nang matulin patungo sa gitna ng dagat. "Mahuhuli na natin sila ngayon," ang naisip ng mga kawal. 25



Ngunit isinara ng Diyos ang daan sa dagat at natabunan ng tubig ang mga kawal ng Ehipto. Ngayon alam na ng Paraon na ang Diyos ng Israel ay totoong Diyos. 26

Paalam Paraon!

isang kuwentong nanggagaling sa
Salita ng Diyos, ang Bibliya,

makikita sa

Exodo 4-15

"Ang bukas ng iyong mga Salita ay
nagbibigay ng liwanag." Mga Awit 119:130

27

11

60

28



Sinasabi sa kuwentong ito mula sa Bibliya ang tungkol sa ating
kahanga-hangang Diyos na Siyang lumikha sa atin at nais Niya na
makilala natin Siya.

Alam ng Diyos na tayo'y nakagawa ng masasamang bagay na tinatawag
Niyang kasalanan. Ang parusa sa kasalanan ay kamatayan ngunit lubos
ang pagmamahal ng Diyos sa atin kaya't ipinadala Niya ang Kanyang Anak
na si Hesus na Siyang napako at namatay sa Krus upang pagbayaran
ang ating mga kasalanan.

Subalit hindi nanatiling patay si Hesus. Nabuhay Siyang muli at
bumalik sa langit! Kung mananampalataya ka kay Hesus at hihingi ng
kapatawaran sa iyong mga kasalanan, papatawarin ka Niya. Siya ay
darating at mananahan sa iyong buhay magpakailanman.

Kung ibig mong maligtas at mapatawad sa iyong kasalanan,
narito ang isang panalangin na maaari mong tularan:

"Mahal kong Diyos, naniniwala po ako na si Hesus ay namatay para sa akin,
ngunit Siya ay nabuhay muli. Tinatangap ko po kayo sa aking buhay at
patawarin Ninyo po ako sa aking mga kasalanan upang ako'y magkaroon ngayon
ng bagong buhay, at sa isang araw ay makasama Kayo magpakailanman.
Tulungan po Ninyo akong mamuhay bilang Inyong anak. Amen."

Basahin ang Bibliya at manalangin sa Diyos araw-araw! Juan 3:16

29